

女科
生化編
一卷

陸潤庠
參校

世補齋醫書續集

上海
江東書局
印行

77

世補齋醫書後集

袁樹勛敬題



陸九芝先生元和鳳石相國同年老夫子之封翁也先生湛深經術博覽羣書不樂仕進專心于醫承家學之淵源窺靈素之堂奧一以仲景為歸光緒六七年間先生迎養入都與先君時相過從鑑得隅坐侍談快聆緒論至理名言久經心折世補齋初集刻成取而讀之至於再三知識頓擴竊維各種醫書多教醫者先生則先教病者另刻不謝方行世使病者偶感小疾皆可檢方用藥庶不致為庸醫誤先生嘗言醫能治大病正以病不使大為能小疾治愈一切危險之證皆消化于無形此即治已病不如治未病之意所著論說及考證諸書闡微抉幽刊訛訂謬開前賢之秘奧創後學之津梁已足流傳不朽矣兒子汝玖隨任川北以科舉停廢始讀醫書見先生初集心悅誠服以未得親承提命為憾丁未歲回京受業于鳳石同年專門習醫翼可遞相傳授久之舉家傳手鈔秘本及評閱各籍之擬刊布者畀玖使任校讐之事書成名世補齋後集囑鑑為之序鑑于先生之道何能贊一辭然綜觀先生書率皆發人所未發解人所難解晦者顯之略者詳之凡有妄解妄注假名錯簡之處不憚煩言辯駁而釐正之大抵先生之書前集各種以明理為主後集各種以辨誤為主其意蓋欲病者不為醫所誤醫者不為書所誤然後醫道大明天下後世可免天札之患此則先生數十年救世之苦心不得不為表而出之者也夫古人以良醫比良相謂其濟世功同也然兼之者卒鮮今鳳石同年任醫學大臣由吏部入閣良醫良相兼于一身而要之皆本于先生之教於戲先生傳矣

宣統紀元冬日年愚姪馮金鑑心蘭謹序

世補齋醫書後集

總目

重訂傳青主女科九卷 併作三卷

重訂戴北山廣溫熱論五卷

重訂綺石理虛元鑑五卷

校正王樸莊傷寒論註十二卷

計四種共二十五卷

陸九之先生利鳳石相國同年老夫子之封翁也先生湛深經術博覽群書不絕於口先生之學淵源窺靈素之堂與一以仲景為歸光緒六七年間先生迎養入都與先君時相過從繼得偶坐侍談快聆緒論至理名言久經心折世補齋初集刻成取而讀之至於再三知識頓擴竊維各種醫書多教醫者先生則先教病者另刻不謝方行世使病者偶感小疾皆可檢方用藥庶不致為庸醫誤先生嘗言醫能治大病正以病不使大為能小疾治愈一切危險之證皆消化于無形此即治已病不如治未病之意所著論說及考證諸書闡微抉幽刊訛訂謬開前賢之秘奧創後學之津梁已足流傳不朽矣
兒子汝玖隨任川北以科舉停廢始讀醫書見先生初集心悅誠服以未得親承提命為憾丁未歲回京受業于鳳石同年專門習醫冀可遞相傳授久之舉家傳手鈔秘本及評閱各籍之擬刊布者畀以使任校讐之事書成名世補齋後集囑鑑為之序
鑑于先生之道何能贊一辭然綜觀先生書率皆發人所未發解人所難解晦者顯之略者詳之凡有妄解妄注假名錯簡之處不憚煩言辯駁而釐正之大抵先生之書前集各種以明理為主後集各種以辨誤為主其意蓋欲病者不為醫所誤醫者不為書所誤然後醫道大明天下後世可免天札之患此則先生數十年救世之苦心不得不為表而出之者也夫古人以良醫比良相謂其濟世功同也然兼之者卒鮮今鳳石同年任醫學大臣由吏部入閣良醫良相兼于一身而要之皆本于先生之教於戲先生傳矣
宣統紀元冬日年愚姪馮金鑑心蘭謹序

世補齋醫書後集

總目

重訂傳青主女科九卷

併作三卷

重訂戴北山廣溫熱論五卷

重訂綺石理虛元鑑五卷

校正王樸莊傷寒論註十二卷

計四種共二十五卷

重訂傅徵君女科
八卷生化編一卷

共九卷併作三卷

朱益藩謹署



重訂傅徵君女科序

經生家言每以闢去常解獨標新義為傑出冠時之作至於醫之為道因病施治隨證投方宜若無所謂常亦無所謂新矣然而一病也陰陽寒熱表裏虛實真假其病若相同其原則大異世醫狃於習俗樂於淺嘗人云亦云但就病名為治更不求病本之何在者比比然也先生每遇一病必先列常解於前而後自解之非故求新不囿於常則自成爲新耳此書女科二卷產後編二卷女科中已列有產後一門而產後編中所載各病又與女科卷末似一似二或重見而疊出或此有而彼無先生本屬兩書讀者未免眩目因揣先生於產後治法另為一編之意若專為闡發錢氏生化湯而設因即易其名曰生化編以避兩書重複而仍不失原書本旨當猶是先生之志也嘗謂先生是書力求其新適得其常固非眩異矜奇者可比修之服膺是書有年矣始從友人處輾轉借鈔久之乃得海山僊館叢書新刊本咀嚙玩味惜其集中語句雜舊體例參錯且產後編所列類傷寒證以陽明府胃家實一證屬之三陰此其貽誤匪細疑非出自先生之手祝崖祁氏序文不云乎此書晉省鈔本甚夥然多秘而不傳彼此參考多不相符則雅樂之為鄭聲所亂多矣而於陽明府混作三陰之條尤有不可不釐正者因於晨夕展翫時移易增刪改定體例以女科八門分為八卷另附生化編一編繁者汰之冗者節之晦者明之雜者一之始咸豐庚申迄同治癸亥悉心釐訂乃成完本誠欲求得先生真面目使後儒開卷瞭然而非敢有塗改黷竄之意也凡先生之亮節高行散見於馬文雨義士傳李子玉儒林傳及觚牘鶴徵兼濟堂文集小長蘆詩集中者當再彙錄成帙以光益是書俾讀是書者如見先生馬錄成乃叙其緣起如此

同治三年甲子五月十六日元和後學陸懋修謹序於青浦舟次

傅先生名山字青圭一字公佻陽曲人祖霖官山東遼海參議父之謨明經授徒號離垢先生山生而穎異讀書十行並下過目輒能成誦年十四督學文太青拔入庠繼文者袁臨侯先生繼成也一見深器之準食餽檄取讀書三立書院時以道學相期許山益發憤下帷臨侯每云山文誠佳恨未脫山林氣耳崇正丙子繼成爲直指張孫振誣詆下獄山徒步走千里外伏闕訟冤孫振怒大索山山敝衣藍縷轉徙自匿百折不回繼成寃得白當是時山義聲聞天下後繼成官南方數召山山終不往山性至孝父之謨病篤朝夕稽顙於神願以身代旬日父愈人謂孝通神明不異黔婁云執親喪哀毀特甚苦塊米飲不如疏果友愛諸季先人遺產弟蕩廢強半終身無怨色弟歿撫遺孤過於己子失偶時年二十七子眉甫五齡旁無妾媵誓不再娶於里黨姻戚竭力調其緩急爲人分別有讓恭儉下人與人言依於忠孝謀事要於誠實蓋其敦厚彝倫根本自然非有強也嘗擇衣草履遨遊於平定祁汾間所至有墨痕筆跡工詩賦善古文詞臨池得二王神理該博古今典籍百家諸子靡不淹貫大叩大鳴小叩小鳴復自託繪事寓意曲盡其妙精歧黃術邃於脈理而時通以儒義不拘拘於叔和丹溪之言踵門求醫者戶常滿貴賤一視之家故饒至是漸窘迫安貧樂道泊如也屋舍田園多爲細人竊據概置不問康熙戊子詔舉博學宏詞廷臣交章薦山山以老病辭不得入都卧病旅邸滿漢王公九卿賢士大夫逮馬醫夏畦市井細民莫不重山行義就見者羅溢其門子眉送迎常不及山但欹倚榻上言衰老不可爲禮諸貴人益以此重山弗之怪也明年三月吏部驗病入告奉旨傳山文學素著念其年邁特授內閣中書著地方官存問遂放歸歸而愈淡泊自甘僻居遠村不入城府然欽其名者益衆率紆道往見以得一面爲榮又六年卒遠近會葬者數千百人山所著有性史十三經字區周易偶釋周禮音義辨條春秋人名韻地名韻兩漢人名韻等書

嵇禮齋曰昔者嘗怪先生值堯舜之世篤志高尚懇辭徵辟何其果也及讀漢史見周黨王霸之為人乃知士各有志先生蓋有道而隱者也彼誠見有明之季上下交征利卒滅亡於冠盜之手固已心寄夫長林豐草矣甯復以青紫為榮耶

此傳見蘇轍谷爾詔劉稔莊贊所刻霜紅龕詩鈔後

附錄

太原傅山母夢老比丘而生生復不嘔一瞽僧至門云既來何必不嘔乃嘔六歲食黃精不樂穀食強之食乃復食讀十三經諸子史如宿通者崇正中袁繼侯督學山西為巡撫御史張孫振誣劾被逮山橐餽左右伏闕上書白其冤馬君常世奇作義士傳謂山與汾陽薛宗周比之裴瑜魏邵亂後夢天帝賜以黃冠衲衣遂為道士裝醫術入神有司以醫見則見不然不見也已未聘至京師以老病辭與范陽杜越君異俱授中書舍人歸山工分隸及金石篆刻畫入逸品子眉字壽毛亦工畫作古賦數十篇常鬻藥四方兒子共輓一車暮抵逆旅輒篝燈讀經史騷選諸書詰旦成誦乃行否則杖則其父子皆奇士也

按祁縣志

載楓仲廷拭撰晉四家詩青主父子居其二池北偶談

太原古晉陽城中有傅先生賣藥處立碑衛生樂餌五字乃先生筆也青主善醫而不耐俗病家多不能致然素喜看花置病者於有花木寺觀中令善先生者誘致之聞病人呻吟即言羈旅無力延醫耳先生即為治劑無不應手而愈亭林先生嘗以蕭然物外自得天機稱之既吾山

民國三年春月
江東書局印行

卷一 調經

經水先期

經水忽來忽斷寒熱往來

經未來腹先疼

經前吐血

年老經水復行

卷二 種子

身瘦不孕

虛寒不孕

骨蒸夜熱不孕

嫉妬不孕

卷三 崩漏

血崩昏暈

血海太熱血崩

少婦血崩

卷四 帶下

白帶下

黑帶下

經水後期

經水行後復行

經後少腹疼痛

經前大便下血

年未老經水斷

體肥不孕

腰痠腹脹不孕

少腹急迫不孕

經水先後無定期

經水數月一行

經水將來臍下痛

經前洩水

怯弱不孕

便澀腹脹足浮腫不孕

下部寒冷不孕

鬱結血崩

交感血出

閃跌血崩

年老血崩

青帶下

赤帶下

黃帶下

卷五 妊娠

妊娠惡阻

妊娠少腹痛

妊娠子懸脇痛

妊娠跌損

妊娠口乾咽痛

妊娠浮腫

妊娠子鳴腰痛

妊娠多怒墮胎

妊娠吐瀉腹痛

妊娠腰腹疼痛汗躁狂

妊娠小便下血病名胎漏

妊娠中惡

卷六 小產

畏寒腹痛小產

跌閃小產

大便乾結小產

行房小產

大怒小產

卷七 臨產

血虛難產

腳手先下

胞衣不下

腸下

氣逆難產

子死產門

氣虛血暈

交骨不開

子死腹中

血暈不語

卷八 產後

敗血攻心暈狂

血崩

喘嗽四肢浮腫

手傷胞胎淋漓不止

少腹疼

惡心嘔吐

氣血兩虛乳汁不下

產後肝痿

氣喘

惡寒身顫

鬱結乳汁不通

產後肉線出

調經

經水先期

婦人有先期經來者其經甚多人以為血之偏熱也誰知是腎中水火交旺乎火太旺則血熱水太旺則血多此有餘之故而非不足之病似可勿藥但過於有餘則子宮太熱亦難受孕過者損之謂非既濟之道乎然火不可任其有餘而水斷不可使之不足治法但少清其熱不必兼洩其水也方名清經湯

青蒿

二錢

地骨皮

五錢

丹皮

三錢

黃蘗

五錢

水浸炒

熟地

三錢

白芍

三錢

酒炒

白茯苓

一錢

水煎服二劑而火自平此方雖是清火之品然仍是滋水之味火洩而水不與俱洩損而益也

又有先期經來祇一二點者人以為血熱之極也誰知腎中火旺而陰水虧乎夫同是先期何分虛實而先期為火氣之徵多寡即水氣之驗先期而來多者火熱而水亦有餘先期而來少者火熱而水益不足也倘俱以為有餘之熱但洩火而不補水或更水火兩洩之病有不增劇者乎治法並不必洩火而專補水水既足而火自消亦既濟之道也方名兩地湯

生地

一兩

酒炒

地骨皮

三錢

白芍

五錢

酒炒

元參

一兩

麥冬肉

五錢

阿膠

三錢

水煎服四劑而經調矣此方之用地骨生地能清骨中之熱骨熱由於腎熱清其骨髓則腎氣自清而又不傷胃氣治之巧也况所用諸藥又純是補水之味水盛則火自平此當與上條參觀之一實一虛治必無誤

經水後期

其有經水後期而來多者人以為血病於虛也誰知非血之虛而為血有餘乎蓋後期固屬虛象而多寡大有不同後期而來少者血之寒而不足後期而來多者血之寒而有餘以經水原本於腎而其流則五臟六腑之血皆歸之故當經水之行而門啟不遑迅闔則諸經血之來附益者乘其隙而皆出也然但可曰血既皆出則有餘者亦成不足耳若求治法則仍宜於補中溫散之不得謂逾期者之悉由不足也方名溫經攝血湯

熟地 一兩

白芍 一兩

酒炒五味子 三分

續斷 一錢

川芎 五錢

酒洗白朮 五錢

土炒肉桂 五分

去柴胡 五分

研

水煎服三劑而經調矣此方大補肝腎脾之精與血而加肉桂以祛其寒柴胡以解其鬱是補中有散而散不耗氣補中有洩而洩不損陰實調經之妙藥攝血之仙丹也凡經來後期者俱可用元氣不足更宜加參用之如以為血熱則流而妄用寒涼則大誤

經水先後無定期

又有經水斷續或先或後無定期者人以為氣血之虛也誰知是肝腎之鬱乎經出於腎肝為腎子肝鬱則腎鬱先後斷續正肝氣之或通或閉耳子與母相關子病而母亦病腎氣之不宣又何疑焉治法舒肝之鬱即所以開腎之鬱乙癸同治而經水乃有定期故疏肝尤急也方名定經湯

當歸 一兩

酒洗白芍 一兩

酒炒熟地 五錢

免綠子 一兩

酒炒山藥 五錢

茯苓 三錢

黑芥穗 二錢

柴胡 五分

水煎服三劑而經水淨四劑而經期定矣此方舒肝腎之氣非通經之藥也補肝腎之精非利水之品也肝腎之氣舒而精通肝腎之精旺而水利不治之治妙於治矣

經水忽來忽斷寒熱往來

其有經水忽來忽斷時疼時止寒熱往來者人以為血之凝也誰知是肝氣不舒乎肝屬木而藏血最惡

外邪猶淺即補肝中之血通其鬱而散其風所謂血行風自滅者此其一也方用四物湯加味

熟地一兩

當歸五錢

川芎三錢

酒洗

柴胡一錢

白芍五錢

酒炒

粉丹皮三錢

甘草一錢

白木五錢

土炒

延胡索一錢

土炒

利腰

水煎服此方用四物以滋脾胃之陰血用柴胡白芍丹皮以宣肝經之風鬱用甘草白木延胡以利腰

經水行後復行

婦人有經水過多行後復行身體困倦面色痿黃者人以為血熱有餘之故誰知是血虛而不歸經乎或謂血旺經多血虛經當縮今經多而反曰血虛是何言歟不知經者常也經能統血雖旺而經亦不多血不歸經愈衰而經愈不少惟世人見其過多而即謂是血之旺此治之所以多錯耳倘經多果是血旺自是壯健之體便當行盡即止精力如常何至一行再行漫無收攝此非血之虛有明徵耶血虛則氣弱陰傷及陽所以困倦及其身也血損則精散骨中髓空所以色不華於面也治法大補血而引之歸經方用四物湯加味

熟地一兩

當歸五錢

白芍三錢

酒洗

川芎二錢

酒洗

白木五錢

土炒

山萸肉三錢

蒸

黑芥穗三錢

續斷一錢

甘草一錢

水煎服四劑而血歸經十劑後加參三錢再服十劑下月行經自適可而止矣四物乃補血之神品白木

經水數月一行

婦人有數月一行經者每以為常既無或先或後之病亦無或多或少之殊人莫不以為異而何異也此蓋無病之人氣血兩不虧損耳氣血既兩無虧損何以數月而經始一行誠以坤貞之真氣內藏則坎中

之真陽不損婦人中有天生仙骨者經水且一季一行蓋以季為準而不以月為盈虛也若加以煉形之法一年之內便易飛騰無如世人不識見經水不應月來認定為病輒投藥餌本無病而治之成病治反不如其不治矣山聞異人之教特為闡揚使世人見此等行經不必妄為治療萬勿疑為氣血之不足而漫曰通經也雖然天生之仙骨不多見而人事之耗損則甚多又不可不立一救療之法以輔之方則仍曰助仙丹明亦可施諸無病者耳

白茯苓五錢 陳皮五錢 白朮三錢 白芍三錢 山藥三錢 免絲子二錢 杜仲一錢 甘草一錢
河水煎四服而經復其常矣此方平補之中實有妙理健脾益腎而不滯解鬱清痰而不洩不損天然之氣血便是調經之大法何得用他藥以通經哉

經未來腹先疼

有經前腹疼數日而後行經者其經來多是紫黑塊人以為寒極而然也誰知是熱極而火不化乎肝屬木其中有火舒則通暢鬱則不揚經欲行而肝不應則氣抑遏而疼生至經滿不能內藏而鬱火又隨之怒洩其紫黑者水火兩戰之象也其成塊者火煎瘀結之狀也必數日而後經始行者正鬱火之內奪其權也治法固宜大洩肝家之大熱洩其火而不先解其鬱則熱之標可去而熱之本未除其何能益方名宣鬱通經湯

當歸五錢 白芍五錢 柴胡一錢 丹皮五錢 黑山梔三錢 白芥子二錢 香附一錢 鬱金一錢 黃芩一錢

生甘草一錢

水煎連服四劑下月行經腹斷不先疼矣此方補肝之血而解肝之鬱利肝之氣而降肝之火所以奏功之速有如此者